

Tusagassiutinut nalunaarut

NUNAOIL-ip siulersuisui qaammatini kingullerni 18-ni ingerlatseqatigiiffiup siunissami aggersumi ingerlanneqarnissaa aalajangiiffiginnaaniarlugu ingerlatseqatigiiffimmi periusissaq sukumiisumik aallussimavaat.

Nunarsuarmi uuliamik gassimillu niuernerq ukiuni kingulliunerusuni annertooujussuarmik allanngorsimavoq, tamannalumi Kalaallit Nunaanni uliasiornermut sunniuteqann-gitsoorsimangilaq.

Siorna uuliasiortitseqatigiiffiit 7, uuliasioqatigiit arlaliullutik, uuliasiornermut akuersis-suteqaatik 10 utertippaat. Ullumikkullu tamaallaat uuliasior-nermut akuersissutit 7 uuliasiortitseqatigiiffiit 8 akornanni ingerlanneqarput. Tamatumalu saniatigut nunarsuarmi uuliamik atuineq aatsaat taamak annikitsigivoq. Pissutsit tamakku siunissami qaninnerusumi uuliasiupeqqissinnaanerup ilimanarpal-laanginneranut atatillugu ingerlatseqatigiiffimmi annertuumik allanngortiterineqar-simavoq. Soorunalimi NUNAOIL-imi piginnittoq peqatigalugit tamanna ingerlanne-qarsimavoq kiisalu ingerlatseqatigiiffimmi aningaasartuutinik annikillisaanissaq siunertaralugu.

NUNAOIL-ip siulersuisa NUNAOIL-ip pisortaa Hans Kristian Olsen ukiuni 12-ni pisortasimasooq soraarsinniarlugu aalajangersimapput taannalu julip 1-nit 2018 atorfimminit tunuassaaq.

Ippassaq allakkatigut immikkut ittumik ataatsimeersuortoqarpoq, uagullu inassuteqarnerput tunngavigalugu siulersuisuni ilaasortat 5-nit 3-nut ikilisinneqarsimapput. Tamatumalu kinguneranik siulittaasup Stine Bosse-p siulersuisuni sulinini Søren Lennert Mortensen aamma Peter Helmer Steen suleqatigalugit ingerlateqqissavaa.

2016-illi ingerlanerani uuliasiortitseqatigiiffimmi naatsorsuuserineranut tunngasut suliffeqarfimmut allamat ingerlanneqalersimapput uuliasiortitseqatigiiffiullu illuutai marluk 2017-mi aasaanerani aamma tunineqarsimallutik.

Siulersuisut nutaat maannakkut ulluinnarni aqutsisoq nutaaq, ulluinnarni aqutsinermi saniatigut aamma uuliasiortutut sulisussaq, kiisalu inuussutissarsiornermut atatillugu

ilisimatusartoq peqatigalugit NUNAOIL-imi sulinerup ingerlaqqinnissaa aaqqissussa-
vaat. Periussissiap nutaap aallartinnerani ukiorpassuannngortuni ilisimasat katersorne-
qarsimasut suleqatigisat kosalu Aatsitassanut Ikummatissanullu Aqutsisoqarfik
suleqatigalugit nalilersorluarneqassapput. NUNAOIL-imi anguniagaraarput periarfissat
ukiuni aggersuni ersersinnaasut ammaffigissallugit.

NUNAOIL-imi minnerungaartumi lluinnarni aqutsisussarsiorneq sapaatip akunnerit
tulliuttut ingerlaneranni nittarsanneqassaaq.

Annertunerusumik paasisaqarusuttut NUNAOIL-ip siulersuisuisa siulittaasuanut Stine
Bosse-mut saffiginnissinnaapput: oqarasuaat: +45 21 23 24 25.